

ՆԱԿԱԾՈՒՄԱԿԱՆՔԻ ԴՐԱՑՈՒՑԱԿԻ ԳՐՎԵԼՈՒ ԺԱՄԱՆԱԿԸ

ՎԻԿՏՈՐ ՊԵՏՐՈՍՅԱՆՑ

Գրացուցակը գրադարանային ունեցվածքի ցանկն է:

Հնում ևս գրադարաններում կազմվել են գրացուցակներ: Միջնադարում թե՛ եվրոպական, թե՛ հայկական գրադարաններում, այս ցուցակներն առաջին հերթին գույքացուցակի դեր էին կատարում, բայց, ամենայն հավանականությամբ, դրանց օգնությամբ հաճախ սպասարկում է կատարվել: Միջնադարյան Հայաստանի գույքացուցակ-գրացուցակներից միայն Սաղմոսավանքինն է հասել մեզ:

1912 թ. մայիսի 29-ին Սաղմոսավանքի՝ ձորի այրերից մեկի սեղանի խորշում ևս. Դադյանը հայտնաբերել է մի քանի մագաղաթյա պահպանակներ ու Սաղմոսավանքի գրատան գրքերի ցուցակը և 1913 թ. հրատարակել¹:

Գրացուցակը գրված է երկու թերթի չորս երեսների վրա՝ «Այս գիրք Սաղմոսավանքից՝ վերնագրով:՝ Մագաղաթյա թերթերի բարձրությունը Ծ, իսկ լայնությունը՝ 6 սմ է, գիրը՝ նոտրգիր, միասյուն: Ցուցակի կազմողները դրել են գրադարանի գրքերի անունները, յուրաքանչյուր անվան դիմաց նշել օրինակների քանակը, տվել գրքի նյութի, գրատեսակի, գրքի վիճակի մասին տեղեկություններ: Ահա մի քանի օրինակ.

«Ինն աւետարան երկաթագիր որն մագ[ա]ղ[ա]թ, որն թուղթ:

Դ. Տօնապատ[ի]ճառ:

Բ. Սարգիս գիրք, մէկ հին, մէկ նոր» (1ա էջ):

«Ա. Գիր ամենահրաշն մէջ և այլ բազում խրատական բանք և սահմանք» (1 բ էջ):

«Ա. Գիրք ևս Յովհաննես վարդապետի» (2ա էջ):

«Ա. Հին գիրք ևս ժողովածու խառն և խուռն» (2բ էջ)² և այլն:

Գրացուցակում այս ձևով նշված է ընդամենը 113 գիրք: Դադյանը գրացուցակը չի թվագրել: Այն ռուս. Իշխանյանը Սաղմոսավանքի գրացուցակը համարել է XV դ. գործ³, և այդ թվագրումով էլ այն մտել է մասնագիտական գրականության մեջ⁴: Սակայն փաստերը վկայում են, որ Սաղմոսավանքի գրացուցակը ստեղծվել է XIII դ. առաջին կեսում:

1 Սաղմոսավանքը գտնվում է Աշտարակի շրջանի հյուսիսային կողմում. Քասաղ գետի աջ ափին, Հնում մտել է Արագածոտն գավառի մեջ:

2 Խ ա շ ի կ Ս. Վարդապետ, Նոտրգրուտ մագաղաթյա նոտրգիր ցուցակ Սաղմոսավանքի Մատենադարանի («Շողակաթ», Վարդաշապատ, 1913):

3 Նույն տեղում, էջ 167—169:

4 Ի. Իշխանյան, Հայ մատենագիտության պատմություն, պրակ Ա, Երևան, 1964, էջ 124:

5 Բ. Կորկոտյան, Գրադարանային գրացուցակներ, մեթոդական ձեռնարկ գրադարանավարների և գրադարանային բաժնի ուսանողների համար, Երևան, 1976, էջ 20:

Գրացուցակի տակ կա մի ընծայարանական հիշատակարան, որի վրա, սակայն ցարդ ուշադրություն չի դարձվել, մինչդեռ նրա ուսումնասիրությունը թույլ է տալիս որոշելու գրացուցակի գրվելու ժամանակը։ Ահա այդ հիշատակարանը. «Շնորհ[ի]ք բարերարին ա[ստուծո]յ, ևս Վաչէ, որդի Քրթին, որդւոյն Վաչէի և եղբայրն իմ Դաւիթ, և ամուսինն իմ Մամախաթունն ցանկացար զսեր արարչին և շինեցար սուրբ ուխտս Սաղմոսավանք և ետու հալալ ընչիցն ժՌ սպիտակ և առի մեծ պատրոնէն՝ Զաքարիայէն զմութն Ս[ա]ղ[մո]սավանից և կէսն իմ եղբօրն պարոն Դաւթին հոգւոյն որ առ Ք[րիստո]ս է փոխել։ Վերստին հաստ[ատ]եցի միջի կէսն վախճ դուռն Ս[ա]ղ[մո]սավանից։ Եթէ իմոց և օտարաց և այլ և այլ անէ երեզ ս[ուր]բ ժ[ո]ղ[ո]վոյն նվազեալ եղիցի, մասն Ուղայի առցէ և պատիւն Կայենի կրէ։ Ի թվ[ա]-կ[ա]յնին ՈկԴ-ին»⁶,

Տեսնենք, թե ո՞վ է հիշատակարանի հեղինակ Վաչեն և ե՞րբ է գործել։ Ինչպես հայտնի է, XIII դ. սկզբներին Զաքարե և Իվանե Զաքարյանները գրավելով Արագած լեռան ստորոտները, այդտեղ հաստատեցին Վաչե Ա Վաչուտյանին՝ նրան տալով նիզ ու Արագածոտն դավառները. Արարատյան կողմնակալի պաշտոնը և իշխանաց իշխան տիտղոսը⁷։ Այս Վաչեն և նրա հաջորդները շինարարական մեծ աշխատանքներ կատարեցին իրենց հայրենի հողերում և մշակութային այլ կենտրոններում։ Հենց այս Վաչեի թոռն է հիշատակարանագիր Վաչեն՝ Քրդի որդին։

Վաչե Ա Վաչուտյանը 1215 թ. ավարտեց Սաղմոսավանքի կաթողիկե եկեղեցու կառուցումը։ Դարի 40-ական թվականներին եկեղեցուն կից զավիթը կառուցում է նրա թոռը՝ Քուրդ իշխանաց իշխանի որդի Վաչե Բ-ն, Համալիրի վերջին կառույցը դրատունն է. այն 1255 թ. կառուցել է Քուրդ իշխանը, կնոջ՝ Խորիշահի, համագործակցությամբ։ Դրատունը կառուցվել է նրանց վաղամեծիկ դստեր՝ Մամախաթունի հիշատակին։

Մենք արդեն տեսանք, որ հիշատակարանագիր Վաչե Բ-ն՝ Սաղմոսավանքի զավիթը կառուցողը, վանքի գրատունը կառուցած Քուրդ Վաչուտյանի որդին է։ Այժմ տեսնենք, թե երբ է նա գործել։ Հիշատակարանի տակ նշված թվականը՝ ՈկԴ (1215), սխալ է։ Զիշտ թվականը որոշելու գործում մեզ օգնում է հիշատակարանում նշված պատրոնի՝ Զաքարեի անունը, որից Վաչե Բ-ն գնել է Սաղմոսավանքին տված ընծաները։ Քննվող 1215 թ. Զաքարե ամիրսպասալարը մահացած էր, ուստի չէր կարող հիշատակվել ընծայաբերականում։ Հետևաբար, այս Զաքարեն Զաքարե ամիրսպասալարի թոռն է՝ Շահնշահի որդին։ Զաքարե Բ-ն և Վաչե Բ-ն չէին կարող 1215 թ. գործարք կնքել, քանի որ կա՛մ դեռ չէին ծնվել, կա՛մ մանկահասակ էին։ Մեր հիշատակարանի թվականի (ՈկԴ) մեջ տասնավորը՝ Կ(60)-ն պետք է սրբագրել Գ(90)։ Այդ դեպքում հիշատակարանի գրվելու ժամանակը կլինի 1245 թ., որը համընկնում է Զաքարե Բ-ի և Վաչե Բ-ի գործելու ժամանակին։

Այստեղից կարելի է եզրակացնել, որ XIII դ. գործիչը չէր կարող հիշատակարան գրել XV դ. ստեղծված գրացուցակի վրա։ Ուրեմն, գրացուցակը և ընծայաբերական հիշատակարանը ժամանակակից են։ Հիշատակարանը գրվել է 1245 թ., իսկ գրացուցակը կարող էր կազմվել ավելի շուտ, երբ անհրա-

⁶ «Շողակաթ», էջ 169։

⁷ «Զաքարիայ սարկաագի պատմագրութիւն», հ. Գ, Վաղարշապատ, 1870, էջ 12։

ժեշտություն է առաջացել իմանալու, թե մշակութային նորոստեղծ օջախում ինչքան գրքեր կան, ինչ վիճակում են դրանք կամ ամենաուշը 1245 թ., երբ նրա վրա գետեղվել է Վաչե Բ-ի ընծայարբերական հիշատակարանը:

Մենք չենք կիսում Ռ. Իշխանյանի նաև այն կարծիքը, որ «XV դարում Սաղմոսավանքի գրատունը իր մեծությամբ այն ամենախոշոր գրադարաններից չէր, որոնք կային դրանից առաջ և այդ նույն ժամանակաշրջանում Հայաստանի մեջ: Բացի այդ, հիմք կա մտածելու, որ ցուցակում բնագրկված է Սաղմոսավանքի գրականության մի մասը»⁸:

Այս միտքն իր հերթին արդյունք է գրացուցակի XV դ. թվագրելու. բացի այդ, գրացուցակն անպայման պետք է ընդգրկեր վանքում պահվող ամբողջ գրականությունը: Արդեն նշվեց, որ Սաղմոսավանքի եկեղեցական համալիրը կառուցվել է 1215—1255 թթ.: Հենց այդ շրջանում էլ, ամենաուշը՝ 1245 թ., կազմվել է գրացուցակը: Այդպիսով, գրացուցակն արտացոլում էր նորաստեղծ մշակութային օջախի գրադարանի ունեցվածքը և այդ է պատճառը, որ նրա ֆոնդը այդքան աննշան էր (113 կտոր գիրք): XIII դ. երկրորդ կեսում և XIV—XV դդ. Սաղմոսավանքը ծաղկում է ապրել. այստեղ գործել են տասնյակ գրիչներ ու մշակութային գործիչներ: Նրանք ստեղծել են բավական մեծ թվով գրքեր, որոնց միայն աննշան մասն է հասել մեր օրերը: Կարծում ենք, որ XIII—XV դդ. Սաղմոսավանքի գրատունը Հայաստանի խոշոր գրատներից է հղել:

ВРЕМЯ СОЗДАНИЯ САГМОСАВАНКСКОГО КАТАЛОГА

ВИКТОР ПЕТРОСЯНЦ

Резюме

В 1912 г. Х. Дадьяном был найден каталог книг Сагмосаванкского книгохранилища. Позднее каталог был неверно датирован XV в. В конце каталога имеется памятная запись Ваче II— одного из представителей княжеского дома Вачутян, жившего в середине XIII в. Памятная запись относится к 1245 г., каталог тоже был создан в это время.

⁸ Ռ. Իշխանյան, նշվ. աշխ., էջ 124: